

BILBOKO AUTOTAXI ZERBITZURAKO IBILGAILU BERRIAK EGOKITZEKO DIRU-LAGUNTZETARAKO DEIALDIA 2020

1. ARTIKULUA. XEDEA

Mugikortasun eta Jasangarritasun Sailak, Garraioak esparruaren barruan, "Bilboko autotaxi zerbitzurako ibilgailu berriak egokitzeko" diru-laguntza ildorako deialdia egin du.

Honakoa da deialdiaren xedea: ibilgailu berri bat, lehenengo matrikulazioa duena, egokitzeko inbertsioa diruz laguntzea, baldin eta inbertsio horren bitartez ibilgailu hori mugikortasun urriko pertsonak garraiatzeko egokia bada eta Bilboko taxi zerbitzuan taxi egokitu gisa sartzeko beharrezkoak diren baldintzak betetzen baditu, 1544/2007 Errege Dekretuaren IV. eranskinean ezarritakoarekin bat etorrira, non ezgaitasunen bat duten pertsonak garraio moduetara iritsi eta horiek erabiltzeko behar dituzten oinarritzko irisgarritasun eta bereizkeria ezeko baldintzak onesten diren.

2. ARTIKULUA. ERREGIMEN JURIDIKOA

Deialdi honetako diru-laguntzak honako hauexen arabera arautuko dira: Diru-laguntzei buruzko azaroaren 17ko 38/2003 Lege Orokorra; lege hori garatzeko asmoz uztailaren 21eko 887/2006 Errege Dekretuaren bidez onartutako araudia; eta Bilboko Udalak eta bertako zuzenbide publikoko erakunde eta organismoek deitutako diru-laguntzak esleitzeko asmoz 2016ko ekainaren 30ean udalbatzak hartutako erabakipeko ordenantza orokorraren bidez onartutako eta 2016ko uztailaren 20ko 138. Bizkaiko Aldizkari Ofizialean argitaratutako oinarri arautzaileak.

3. ARTIKULUA. ONURADUNAK

Bilboko Udalaren autotaxi lizentzia baten jabe diren pertsona fisikoak, baldin eta:

- a) Zerbitzuari atxiki badiote lehen matrikulazioko ibilgailu egokitu bat 2020. urtean, eta udal-ikuskaritzak egiaztatu badu, ibilgailuaren aldaketaren aldeko aktaren bitartez.
- b) Taxiaren derrigorrezko udal-azterketak egin baditu.
- c) Diru-laguntzei buruzko azaroaren 17ko 38/2003 Lege Orokorraren 13. artikuluen 2. eta 3. paragrafoetan ezarritako debekuren bat ez badu.

4. ARTIKULUA. ONURADUNEN BETEBEHARRAK

Diru-laguntzen onuradunek Diru-laguntzei buruzko azaroaren 17ko 38/2003 Lege Orokorreko 14. artikuluan zehaztutako betebeharrak bete beharko dituzte.

Bereziki, diru-laguntza emateko proposamenaren aurretik, onuradunak bereziki ziurtatu behar du zergak ordaintzen dituela eta Gizarte Segurantzarekiko obligazioak betetzen dituela.

Ez da diru-laguntzaren ordainketa gauzatuko, baldin eta hura izapidetzeko datan egunean ez badago aipatutako betebeharrak horiekin eta Gizarte Segurantzarekin.

Deialdi honetako onuradunek gutxienez 4 (lau) urtez eduki beharko dute ibilgailu egokitua Bilboko taxi zerbitzuaren barruan, atxiki direnetik zenbatzen hasita. Gutxieneko epe hori amaitu aurretik kentzen bada ibilgailua zerbitzutik, Udalari itzuli beharko dio aurreko paragrafoan zehaztutako gutxieneko epea bete bitarteko zati proportzionala, salbuetsita gelditzen delarik automobilaren transmisioa Bilboko beste taxi baimen baten titular bati egiten bazaio eta automobilak zerbitzua ematen jarraituko badu gutxieneko epe hori bete bitartean. Edonola ere, gutxieneko epe hori betetzen ez bada, diru-laguntzaren onuradunaren erantzukizuna izango da alderdi proportzionala itzultzea.

Era berean, mugikortasun elektrikoari buruzko ikastaro, prestakuntza eta ekitaldietara joan beharko dute, Mugikortasun eta Jasangarritasun Sailak hala eskatzen badie.

Aurreko baldintzak ez betetzeak ekar dezake onuradunak laguntzaren zati proportzionala (ez betetzearen eta aipatu ibilgailu egokituaren iraupen-epearen artekoa) itzuli beharra.

5. ARTIKULUA. AURREKONTU KREDITUAK

1.- Deialdiko diru-laguntzak Bilboko Udalak 2020ko ekitaldirako onartutako aurrekontuaren 2020 21000 44110 7719900, PEP 2020/00248 diru-sailaren kargura finantzatuko dira.

2.- Deialdi honetarako zenbatekoa HIRUROGEI MILA (60.000) eurokoa izango da.

3.- Diru-kopuru hori amaitutakoan, ez da laguntza gehiago emango harik eta aurrekontuan beste dotazio bat baimendu arte. Hori Bilboko Udalaren webgunean argitaratuko da.

4.- Aurrekontuko dotazioa handitu egin daiteke, aurkeztutako eskabideak ikusita, beste deialdirik egin barik.

6. ARTIKULUA. LAGUNTZA EKONOMIKOAK

1.- Laguntza honen zenbatekoa egokitzapenaren %80 izango da, eskaera bakoitzeko gehienekoa hamar mila (10.000) euro izanik.

7. ARTIKULUA. BATERAGARRITASUNA BESTE DIRU-LAGUNTZA BATZUEKIN

1.- Diru-laguntza hauek bateragarriak dira helburu bererako beste diru-laguntza, laguntza, diru sarrera edo baliabide batzuekin, edozein dela ere horiek ematen dituen Administrazioa edo erakunde publiko edo pribatua, nazionala, Europar Batasuneko edo nazioartekoa.

~~2.- Bateragarriak dira ibilgailu bererako diru-laguntza biak, alegia, Sailak ibilgailu elektriko eskuratzeko diru-laguntza eta ibilgailua egokitzeko deitutako diru-laguntza, biak eskuratu daitezke.~~

3.- Nolanahi ere, modu isolatuan edo beste diru-laguntza, laguntza, diru-sarrera edo baliabide batzuekin batera, esleitutako diru-laguntzaren zenbatekoak ezin izango du inolaz ere diru-laguntzaren xedearen kostua gainditu.

4.- Pertsona edo erakunde onuradunek udal ebazpenaren ondoren proiektu bererako beste herri administrazio batzuetatik diru-laguntzak jasotzen badituzte, Bilboko Udalari

derrigorrean jakinarazi beharko diote, hilabete baino lehenago dagokion jakinarazpena jasotzen dutenetik.

8. ARTIKULUA. ESKABIDEAK

Deialdi honi buruzko informazio eta dokumentazio guztia eskura egongo da udalaren webgunean (www.bilbao.eus); Bilboko Udalaren Herritarren Arretarako Bulegoan, San Agustin Eraikinean; Barrutietako Udal Bulegoetan, ohiko ordutegietan; Bilboko Udalaren gardentasun atarian eta Diru-laguntzen Datu-base Nazionalan.

Diru-laguntzak eskuratu nahi dituzten pertsona fisikoek edo juridikoek eskabidea (I. eranskina) aurkeztu behar dute agiri hauekin batera:

- a) Eskatzailearen NANaren fotokopia.
- b) Ibilgailua egokitzearen gastuen aurrekontua edo faktura.
- c) Erantzukizuna hartzeko aitordpena, diru-laguntzak eskuratzeko 38/2003 Lege Orokorraren 13. artikulua ezartzen dituen debekuetako bat ere ez duela adierazten duena. (II. eranskina).
- d) Ibilgailua Bilboko autotaxi zerbitzuari gutxienez 4 (lau) urtez atxikiko zaiola adierazten duen erantzukizunpeko aitordpena. (II. eranskina).
- e) Mugikortasun murrizta duten pertsonen zerbitzua emateari lehentasuna emango diotela adierazten duen erantzukizunpeko aitordpena. (II. eranskina).
- f) Mugikortasun eta Jasangarritasun Sailak eska dezakeen prestakuntza espezifikoan parte hartzeko berariazko eta erantzukizunpeko adierazpena (II. Eranskina).
- g) Borondatezko baimena Udalaren alde, hark bildu ditzan Gizarte Segurantzari eta zergei dagozkien betebeharrak buruzko datuak. II. Eranskina.
- h) Aurreko atalean aurreikusitako baimena ematen ez bada edo Udalak ezin baditu ziurtagiriak lortu, orduan zerga-betebeharrak eta Gizarte Segurantzarekiko betebeharrak dagokienez egunean dagoela egiaztatzen duten ziurtagiriak aurkeztu behar dira, hurrenez hurren, eskumena duen Zerga Administrazioak eta Gizarte Segurantzaren Diruzaintza Nagusiak urte horretan eginak.
- i) "Hartzekodunen fitxa", behar bezala beteta, eta bankuko kontuaren titulartasuna justifikatzen duen agiria. (III. eranskina).
- j) Eskatutako laguntzen erantzukizunpeko aitordpena. (IV. eranskina).

2.- Eskakerei Bilboko Udalaren Erregistroan aurkez daitezke, edo, bestela, Herri Administrazioen Administrazio Prozedura Erkideari buruzko urriaren 1eko 39/2015 Legearen 16. artikuluan aurreikusitako beste edozein eratarik.

Eskakerei aurkezteko epea deialdiaren laburpena Bizkaiko Aldizkari Ofizialean argitaratu ondoko egunean hasiko da.

Nolanahi ere, eta aurrekonturik dagoen kontuan hartu gabe, eskaerak aurkezteko epea 2020ko irailaren 4an amaituko da. Diru-laguntzen deialdiari buruzko Informazio guztia dago Bilboko Udalaren web-orrian: [www.bilbao.eus/ Area de Movilidad y Sostenibilidad](http://www.bilbao.eus/Area%20de%20Movilidad%20y%20Sostenibilidad).

9. ARTIKULUA. LAGUNTZA EMATEKO PROZEDURA ETA EBAZPENA

1.- Diru-laguntzetarako deialdi honetarako gordetako aurrekontu-kreditua deialdi honetan ezarritako baldintzak betetzen direla ziurtatzen duten pertsona fisiko edo juridikoei banatuko zaie, 6. artikuluan ezarritako laguntzen zenbatekoen arabera, eta aukera hori zabalik egongo da aurrekontuaren zuzkidura agortu bitartean.

Diru-laguntzak emateko erabakian lehentasun ordenari begiratuko zaio, eta ordena hori, aldi berean, eskaera deialdian adierazitako dokumentu guztiekin aurkezten den dataren eta orduaren arabera izango da, edo, eskatutako agiriren bat faltatuz gero, hura aurkeztutako dataren arabera.

2.- Prozedura bideratzeko eskumena duen organoa Mugikortasun eta Jasangarritasun Saileko Garraioen Zuzendariordetzari lotutako langile teknikoek osatua izango da.

Organo izapidegile horrek ebazpen-proposamena egingo du, ziurtatu ondoren:

- Garraio Zuzendariordetzaren udal-ikuskaritzak txosten bat igorri duela, zeinetan adieraziko den diruz lagunduko den ibilgailuak ez duela eragozpenik taxi egokitu gisa Bilboko taxi zerbitzuaren barruan ibiltzeko.
- Onuradunak eskatutako dokumentazio guztia aurkeztu duela.
- Onuraduna egunean dagoela bere zerga-betebeharrei eta Gizarte Segurantzaren alorrekoei dagokienez, eta ez duela zerga-izaerako inolako zigorrik edo zorrik Udal honekin epe exekutiboan, salbu eta atzeratuta badago, zatikatuta badago edo betearazpena etena badago.

3.- Gobernu Batzordeak edo berak eskuordetutakoak ebatziko du prozedura.

Ebazteko eta interesdunei jakinarazteko gehienezko epea hiru hilabetekoa izango da, eskaera aurkezten denetik, edo dokumentuak zuzentzeko eskatu bada, horiek zuzenduta aurkezten direnetik zenbatzen hasita.

Ebazteko eta ebazpena jakinarazteko gehienezko epea igaro ondoren, eskaera ezetsi ahal izango da, administrazio isiltasuna dela-eta.

Eskatutako diru-laguntza emateko edo ukatzeko ebazpenarekin amaitzen da bide administratiboa.

Horren kontra aukerako berraztertze errekurtsoa jarri ahal izango da ebazpena eman duen organoaren aurrean, hilabeteko epean jakinarazpena egiten denetik zenbatzen hasita, edo administrazioarekiko auzi-errekurtsoa, dagokion administrazioarekiko auzi - epaitegiaren aurrean, bi hilabeteko epean jakinarazpena egiten denetik zenbatzen hasita.

4.- Prozedura izapidetzeko eta ebazteko egintzak banakako jakinarazpenaren bidez jakinaraziko dira.

5.- Deialdi honetan onartu diren diru-laguntzen guztirako kopurua txikiagoa bada diru-laguntza hauetarako jarritako kopurua baino, orduan soberakina Bilboko taxi zerbitzuko ibilgailu elektriko berriak eskuratzeko diru-laguntzen deialdiari batuko zaio.

10. ARTIKULUA. DIRU-LAGUNTZAREN ORDAINKETA

Mugikortasun eta Jasangarritasun Sailaren Ordezkaritzak emango du onartutako diru-laguntza ordaintzeko ebazpena, eta onuradunari jakinaraziko zaio; ordainketa egiteko, Udal honetako Hartzekodunen Erregistroan bere izenean agertzen den kontu korrontean sartuko da dirua. Onuradunari jakinarazi egingo zaio ordaindu izana.

11. ARTIKULUA. JUSTIFIKAZIOA

Ibilgailua 2021ko urtarrilaren 1erako egokituta egon behar da, eta horren justifikazioa 2021eko martxoaren 1a baino lehen aurkeztu behar da. Fakturaren eguna 2021ko urtarrilaren 1a baino lehenagokoa izango da. Udalak ofizioz egiaztatuko du udal-ikuskaritzak gaitzat hartu duela taxi egokituaren zerbitzuari atxikitzeko.

Diru-laguntzaren justifikaziorako agiriak:

- Ibilgailua egokitu izanaren jatorrizko faktura eskatzailearen izenean, 2020ko urtarrilaren 1etik 2020ko abenduaren 31ra bitartekoa, fakturaren guztirakoaren ordainagiriekin batera. Egokitzeko inbertsioa ibilgailuaren fakturan badago, egokitzeko kostua bereizita jasota egongo da. Zehaztuko dira:
 - Matrikula edo bastidore zenbakia.
 - Ibilgailuaren marka.
 - Modeloa.
- IATaren fitxa teknikoaren fotokopia, jasotzen duena ibilgailua mugikortasun murrizta duten pertsonak garraiatzeko egokia dela eta gurpil-aulkian doan pertsona bat garraiatzeko lekua duela.
- Zirkulazio-baimenaren fotokopia.
- Eskatutako laguntzen erantzukizunpeko aitorpena. (IV. eranskina)
- Ibilgailua behar bezala egokituta dagoela egiaztatzen duen ziurtagiria, V. eranskinean jasotakoaren antzekoa

12. ARTIKULUA. DIRUZ LAGUNDU DAITEZKEEN GASTUAK

Diruz lagun daitezkeen gastutzat hartuko dira ibilgailua egokitzeko gastuak, BEZa salbu, azaroaren 17ko Diru-laguntzen 38/2003 Lege Orokorraren 31.8 artikuluan adierazitakoaren arabera.

13. ARTIKULUA. OBLIGAZIOAK EZ BETETZEAREN ONDORIOZKO ERANTZUKIZUNAK

Deialdi honetan zehaztutako betebeharrak betetzen ez badira, edo bertan eskatzen diren datuak eta eskakizunak faltsutzen edo ezkututzen badira, diru-laguntzaren zenbatekoa itzuli beharko da, dagozkion atzerapen interesak barne, diru-laguntza jasotzen den unetik aurrera.

14. ARTIKULUA. EMANDAKO DIRU LAGUNTZEN PUBLIZITATEA

Urtea bukatu aurretik, emandako eta ukatutako diru-laguntza guztiak argitaratuko dira udalaren webgunean.

Era berean, diru-laguntzen publizitatea egingo da Diru-laguntzen Datu-base Nazionalaren bitartez, Diru-laguntzen Lege Orokorrak ezarritakoaren arabera.

Bilbon, 2020ko otsailaren 10ean
Mugikortasun eta Jasangarritasun Saila.